

Amosni Odhai 5-ni gimin kan-dike Seani:

Rev.P.M.Sangma – Pastor NBC

Amosni katchinike aganani bilsirang Uzziah rajani Juda-o (Southern Kingdom) aro Jeroboam II raja Samaria (Northern Kingdom) sason ka-mittingo ong-a. Chongmotan 760 BC mango (Amos 1:1). Amos Tekoa-oni ong-a (1:1). Ua mes nirikgipa aro dumbur bolni bariko dake nirok-simsake cha-gipa ong-a (7:14,15). Isol uko katchinikgipa ong-na okamaha (7:15). Amos-ni Israel-o chongmotan Samaria (Northern Kingdom) katchinike agananiko Amazia namnikja aro mikbue a-rikgalatachim, indiba Amos Isolni skanikosa am-aha (7:14-17). Amos an-tangni gimin agana: **“angade katchinikgipa ong-ja, katchinikgipani depanteba ong-ja,...Jihova angna aganaha: Re-ange ... katchinike aganbo”** (7:14-15).

Politically:

Jeroboam saksa Northern Kingdom-o bilakbegipa raja ong-a, ua asongko apalatna gita kamko ka-aha (Amos 6:2).

Economically: Jeroboamni raja ong-anio manderang man-e-chagiparangni bidingode namen man-e cha-a (Amos 6:4, 6), maina uamangni nokrangko Nok Nokma inesa agana, Mongma wagamrangchisa rika, aro dingkarini nok aro sinkari nok dingtang dingtang dong-a (3:15). Indiba Kangal ong-giparang namen kangal ong-skaa mitam kangalrangkode jakop jorasachian brena man-aiachim (2:6, 8:4, 6).

Socially: Songsalo namgijarang namen bilonga kangalko onia dakani, togiani, dakdraani, be-enni skaniko drae dakanirang cholon ong-sigiparang metra saksaonan pagipa aro depante tuana aro uandake (2:7, 8:4-6). Kangalko togiani aro cha-bokanirang namen bilongachim, jedake toanio (8:5). Songsal name jakgitel ong-gipade ong-jachim, batesa a-gilsakni gamni nokol ong-a (materialistic), jedakeba mande a-gilsako gamchi katchana jotton ka-oba Isolni patiani gri tom-tomani dong-ja (Isaia 57:21). Jedakeba jedakgipa Mandeni changa-sapanio silroro namroroatanina Isolni jakosa ong-a. Mande jensalo gamo pangchaka unon kangalrangko on-chepe jakkalani, onia ka-ani, togie cha-bokani sokbaa.

Religiously: Toromni gita manderangni nikanio namen toromirang ong-achim, indiba Isolni nikanio mitchianisan aro uarangara ong-gramaianisan ong-aiachim (2:7-8, 5:21-27).

Uamangni olakkiani miksongani Isol ong-jaha indiba uamangni be-enni skani aro gamrangko dalnike ba rasong dakanisan, aro dakrongbewalko dake an-tangtangko kusi ong-anirangsan ong-aiachim. (Object of worship is not God, rather the rituals of the people, materials and their wills) Amos 5:21-27. An-ching bangbata somoion Isolko olakianio an-tangtanga object ong-ronga, Isolde object ong-ja. Mitamrang agana:

- ⇒ aiao olakianion praise worship dongjaode suk ong-ja,
- ⇒ aiao mass prayer dakjaode suk ong-ja
- ⇒ mitam aganskaa aiao mass prayer dakode ong-ja
- ⇒ Mitam agana Sermon-an namja

Oe iarango ding-tang ding-tang ma-sigrikani ba ma-sigrikna am-gijani japangrang ba pangchakanirang dong-a. Chongmotde olakianiara Isolko kusi ong-atnasa aro Isolko mitelanirangsa ong-a, an-ching an-tangtangni namnikani namnikgijani ba kusi ong-anirangna dake roenga ong-ja. An-ching bangbata somoion an-tangtangkosu object daka uni gimin badiaba manderang bia ka-na mangmang napbola, bia ka-na mangmang gisik pila, bia ka-na mamang mamal ding-tang daka. An-ching jekoba dakbo Isol an-chingni kamo kusi ong-engama?iasa nangchongmotgipa niatna nanganide ong-a.

Amos-ni ki-tapni Pangchakani (Theme): Amos-ni mongsonggipa skianiara Kakket dakanian ong-a, *‘Indiba Kakket daka chirang gita, aro kakket ong-ani tipgijagipa chiring gita jokonchina’* (5:24).

Odhai 5-ko Kan-dike Talatani:

Torom maming dingtangani gri ba namdapani gri (Religion without reformation). Ia Amos 5 –o mongsongbate ming-3 skianiko on-aha.

1. (Spiritual reformation) Isolko am·china, "...angko am·bo,...Jihovako am·bo..." (4, 6).
2. (Personal & Social Reformation)Isolko u·ie mandeskana kakketko dake janggi tangchina, "...Namako am·bo (Seek good)... namako namnikbo (maintain justice)" (14, 15).
3. (Religious Reformation) Isolko u·ia gita toromo gital ong·e janggi tangchina, "Kakket daka chirang gita, aro kakket ong·ani chiring gita jokonchina" (24).

Amos 5:1-3.

- i. **Siano Maniani (Funeral):** Sigimin ba ga·akgimin metra-ko iano aganaha, sigimin mamingsaloba chakatpiljawaha (dead never rise), ka·dongani gri ong·aniko. Ian Israel ba Salgroni songnokko 722 BC mango Assyriarang re·bae songnokko pe·aha, aro uamangni re·bapilanide dong·jaha. Uandakgipa ka·dongani gri ong·aniko Isol Amos katchinikgipachi agansoengachim.
- ii. **Siani (Death):** Iano 90% ka·dongani gri ong·aniko aganaha, sak-1000-oni sak 100 mamangan dong·rikgen, aro sak 100-oni sak-10 mamangan dong·rikgenchim. Ian Israel ba Samariana (chongmotan Northern Kingdom) ka·dongani gri ong·enggipa obostani gimin aganenga. Maini gimin Israelna ka·dongani gri ong·aha, uan uamangni papni gimin ong·a ine an·ching bangki potrango nikangna man·gen.

5:4-13. Isol uamangna patianiko aro janggiko on·genchim, indiba manderang siani ramakosa seokaha(The Lord could have given life but they chose the way of death).

Uni gimin Isol Amos katchinikgipachi Namako am·china Israelna cholko on·aha.Uamangna aganna 'Bethelko am·nabe', Gilgalko napnabe, aro Beershebaona reangnabe '*Jihovako am·bo, unon na·simang tanggen*' (4-6).

Bethel – Uan Isolni Nok ong·a (house of God) Gen.28:17-22. Je biapon Jakob adatang Esau-na kene ka·mittingo walchange tusimittingo ua biapo tu·siengmittingo Isolni sa·grerangni salgioni a·gilsakona re·ruraani jangkiko jumango nikaha.

Gilgal– Ia biap Jordan chi nalsao ong·a, je biapo Israelrang Egypt a·songoni nokol itaoni naljokate re·bapilanio uamang Jordan-ko gabatman·e Isolna boliko on·e olakkiaha. Jensomoio uamang Isolko Jordanko gabatmano Isolko olakkiani jamano je Mannako bakrao cha·e janggi tangengachim unsal intaltal uamangna Isol mannako on·tajaha (Joshua 4:20, 5:11-12).

Beersheba–Abraham chiokongko cho·aha indiba ua chiokongna Alimelik baksa kajia ong·aha. Abraham uano Isolna boliko on·aha aro Alimelik baksa ku·monggrikani aro songgigrikani dakaha, aro uano Tamarisk bolko ge·aha. Ua biapni bimingko Beersheba mingaha, jeni ortoan 'Jringjrotna Tanggipa Isol' (Aba.21:22-33).

Ia biaprangko Israelrang dale ra·a indiba ua biapo pagitchamrang baksa ku·monggrikani ba gronggrikaniko dakgipa Isol baksade uamangni bakrimaniara namen chelaosachim. Isol an·tangko am·china aganaha aro okamenga, jedakode unbaksa (close, fellowship) namgipa bakrimaniko man·china aro gital janggiko man·china ong·a (New Life).Gital janggiko man·e gital janggi tanganiko nokdango aro songsalo rakichinaba aganaha '*Jihovako am·bo, unon na·simang tanggen*' (4-6).

Mongsonggipa Katta bichongrang (5:10-13):

10 – Cholgugao manenggipako uamang mitchia, aro sronggipako uamang mitchisranga.Kamalrangni aro katchinikgiparangni Isoloniko agananirangko knachakna sikjaha, dilgiparangni ku·patianiko man·naba sikjaha. Isolni nama skianiko knachakna sikja, an·tangtangni namnikako dakna toromni bimingko ba Isolni bimingo namgija kamkoba uamang chu·asokatengachim.Haida da·ororode an·chingni obostaode Pamongrang ba dilgiparangni aganani ba skianirangko knachakna siggijanirangan aro Isolni kattako knatimna siggijanirangan ong·genchim.

11 – Kangalko ga·belbela (Corruption).Man·e cha·giparang kangalko kalstapani, aro chonnikanirangko uamang dakaha.Kangalna togianirang, on·chepe jakkalanirang.

12 – Kakketgipako duk on·giparang, ku·mituko ra·giparang aro kangalko ekatgiparang.Je manderangan kakketko daka uamangko kalstape dale ra·gijanirang, jedake A·chik songsalo agan·baleke roanirangna jakkala, 'Kakket dako,

changketa'.Uni gimin kakket dakode cholina man·jawa ine chanchiani ba ma·siani ong·achim.Indaken Israel manderang kangalrangkode namen one ra·anirang, togianirang, cha·bokanirangan gapaiachim, jean Isolni mitchiani kam ong·aha.

13 - Gisik senggipako jrip dong·gen. Badiaba manderang u·iani ma·sianirang dong·a, indiba uamangni u·ie·ma·sianirang mamingba namgijaoniko chelatna bilgriaaha.Namja ine u·ioba, nikja dake, knaoba knaja gitan ong·e dongna nangaiaha.

10- Isolni kattako agangiparangko (Pamong, Missionary) mitchiani aro dakrimna sikgijani (support)

11 – Kangalrangko cha·bokanirang, aro drae dakanirang (Govt.grant 50 thousand ong·ode sokbaade 15-20 thousand·san ong·aigen). Human and child trafficking (2:6-8).

12 – Kakket dakgiparang kakket bichalko man·ja, jean tangka paisa on·na man·a uamangsan namgipa rai on·aniko man·a. Jemangan kangal kumitu ra·ao bak ra·na chol ong·ja uandakgiparangnade maming ka·donganian dong·ja, chongmotan kangalke ekata (chelata). Kangalde unimportant ong·aia.

13 – Bebeko agangriknade altuagipa kam ong·jaha, uni gimin bebeko u·ioba jrip dong·na nangaia.Ong·ja inen ma·sioba uko jrip jrip nie dong·na nangaona sokaha, maina agananikoba knachakanian dong·jaha.

5:14-15. Namako am·ode namgijana chongmotan papna mitchiani dong·a, jeo papna mitchiani dong·a Isol uamang baksa dong·a.

5:16-20. Moral reformation and the day of the Lord.Gitelni sal re·baenga jeon au au grapaniong·gen.Uno maming jokani ba naljokani chol dong·a (19).Bon·kamani jeon Isol mamingba ka·sachakani ba mikkang niteaniko dakjawachim.Uan Israelni papni a·sel uamangna ra·bagnigipa sasti ba kalimani gimin aganengon, da·alo an·ching sakantini Gitelni salni giminba nikananiko on·aha.

5:21-27. Religious reformation. Isol Israelni ua chasongo olakianiko mitchiaha (21-24).Israel manderangni olakkianio Isol kusi ong·na man·jaha, maina Israel manderang Isolko kusi ong·ataniko uamang chanchijaha, indiba uamang an·tangtangni skani aro namnikanikosa dalbate ra·aha.

- ⇒ Alaniko mitchia
- ⇒ Tom·anio katchajawa
- ⇒ Hom on·oba ra·chakjawa, on·anirangko nijawa.
- ⇒ Gitrangko angoniko ra·angbo...anga knachakjawa.

Kakket daka chirang gita, aro kakket ong·ani tipgijagipa chiring gita jokonchina.

Self-pleasing religion open way for self-made religion.An·tangtangkosan namnikgiparang an·tangtangna isolrangko daka.Jedake dakgiminrangko bimang dake olakia gita, uni giminsa Israelko rim·gittangangani jamano be·grugimin Jerusalem (southern Kingdom) Ezekiel katchinikgipana Isolni gisikchi mesokon Israelrangni banga mitderangko olakianiko nikaha gita (Ezk.8).

Bon·atani:

Amosni cha·songo manderangni janggi tanganiko adita niaton da·o an·chingni cha·songo nambatani ba maiba dingtangani dong·genma dongjawasai?Poraisoenggipa sakantiba chanchie gisikni mikronchi nikatna man·gen ine anga ka·donga aro bebera·a. Da·oni a·gilsakba man·e·chagiparangni bidingo namen man·e·cha·beaha indiba kangal onggiparange namen kangal ong·skaa, aro man·e·cha·giparangni ba bil man·giparangni ongipa, kangal·cha·asigiparangko chonik·onik dake jakkalanirangko songsalo nika. Toromni gita niatoba indakgipa baseanirang aro saksa sakgipinko mandera·gijanirangko nikna man·a, iandakgipa janggi tanganinade Isol kusi ong·jawa; indide an·ching maiko dakgenchim sakantini dai ong·a. Isol poraisoenggipa sakantina bangbee patianiko on·china angni ska aro bi·a.